



Adroddiad Blynyddol TUC Cymru
2006 - 2007

Llais Cymru yn y gwaith



Amcanion a staffio

Amcanion TUC Cymru:

- Ymgrychu am degwch yn y gweithle ac am gyfiawnder cymdeithasol gartref a thramor
- Hybu gwerth undebau llafur
- Cefnogi dysgu yn y gweithle
- Cefnogi ein hundebau llafur cysylltiedig

Gyda'r undebau llafur cysylltiedig yn cynrychioli bron hanner miliwn o weithwyr, ni yw llais Cymru yn y gwaith.

Ysgrifennydd Cyffredinol

Felicity Williams

Polisi ac Ymgyrchoedd

Derek Walker	Pennaeth Polisi ac Ymgyrchoedd	dwalker@tuc.org.uk
Chris Hartwell	Swyddog Cynorthwyol Ymchwil, Ymgyrchoedd a Threfnu	chartwell@tuc.org.uk
Val Kuck	Ysgrifennydd Gweinyddol	vkuck@tuc.org.uk
Natasha Hirst	Swyddog Prosiect Cydraddoldeb yn y Gwaith	nhirst@tuc.org.uk
Clare Stisted	Cynorthwy-ydd Gweinyddol	cstisted@tuc.org.uk

Addysg Undebau Llafur

Julie Cook	Pennaeth Addysg Undebau Llafur	jcook@tuc.org.uk
Jacquie Ivins*	Uwch Gynorthwydd Gweinyddol	* yn y swydd tan fis Mai 2007
Marion Burke	Cynorthwydd Gweinyddol	mburke@tuc.org.uk

(hefyd yn gweithio fel swyddog cefnogi prosiectau Cronfa Ddysgu Undebau Llafur Cymru)

Gwasanaethau Dysgu

Siân Cartwright	Pennaeth Gwasanaethau Dysgu	scartwright@tuc.org.uk
Deri Bevan	Swyddog Datblygu De Cymru	dbevan@tuc.org.uk
Barbara Hale	Swyddog Datblygu Gogledd Cymru	bhale@tuc.org.uk
Mark Rees	Swyddog Datblygu Canolbarth a Gorllewin Cymru	mrees@tuc.org.uk
Kevin Williams	Swyddog Datblygu De Cymru	kwilliams@tuc.org.uk
Roger Jones	Swyddog Datblygu De Orllewin Cymru	rjones@tuc.org.uk
Linsey Shingles	Gweithiwr Prosiect	lshingles@tuc.org.uk
Katrina Wood	Gweithiwr prosiect	kwood@tuc.org.uk
Gareth Hathway	Cynorthwydd Gweinyddol	ghathway@tuc.org.uk

TUC Cymru

Transport House	029 2034 7010
Heol yr Eglwys Gadeiriol	wtuc@tuc.org.uk
Caerdydd CF11 9SD	www.wtuc.org.uk

Am ragor o gopïau o'r adroddiad hwn cysylltwch â TUC Cymru.
Am ragor o wybodaeth ynglŷn â byd gwaith ewch i www.workSMART.org.uk
Mae hawlfraint y cyhoeddiad hwn ym meddiant y TUC oni nodir fel arall.



John Burgham



Felicity Williams

Rhagair

Yn ystod y flwyddyn mae TUC Cymru wedi parhau i lobïo ac ymgyrchu ar y materion sydd o bwys i aelodau undebau.

Mae economi Cymru yn ffynnu ac mae lefelau cyflogaeth yn parhau'n uchel. Fodd bynnag, mae ein sector gweithgynhyrchu yn dioddef. Rydym wedi gweld colli swyddi ar draws y sector a llawer o ymgyrchoedd gan undebau i achub swyddi, gan gynnwys ymgyrch â phroffil uchel i atal cau ffatri Burberry yn y Rhondda.

Erbyn hyn cyflogir 14% yn unig o holl weithwyr Cymru yn y sector gweithgynhyrchu, o'i gymharu â 20% ym 1999/2000. Cyhoeddwyd bod rhai swyddi newydd wedi eu creu yn ddiweddar, ond dirywio y mae'r sector at ei gilydd. Rydym wedi parhau i lobïo Llywodraeth Cynulliad Cymru i wneud mwy i amddiffyn ein sector gweithgynhyrchu ac i wneud mwy i annog sector cyhoeddus Cymru i brynu eu nwyddau a'u gwasanaethau gan fusnesau lleol.

Rydym wedi sicrhau bod materion y gweithlu yn uchel ar agenda diwygio gwasanaethau cyhoeddus Llywodraeth Cynulliad Cymru. O ganlyniad uniongyrchol i'n hymgyrchu, mae cytundeb partneriaeth yn bodoli erbyn hyn sy'n trafod y sector cyhoeddus cyfan sydd wedi ei ddatganoli yng Nghymru. Bwriad y cytundeb arloesol hwn yw cynnal y broses o ddiwygio trwy roi fframwaith i reoli newid a rhoi blaenoriaeth i faterion sy'n trafod y gweithlu. Lansiodd Prif Weinidog Cymru a'r Gweinidog dros Gyllid, Llywodraeth Leol a Gwasanaethau Cyhoeddus y cytundeb ym mis Mawrth 2007.

Rydym wedi hyrwyddo dysgu yn y gweithle ac wedi sicrhau cytundeb â Llywodraeth Cynulliad Cymru i hybu'r agenda hon yn ystod y tair blynedd nesaf ledled Cymru.

Erys cydraddoldeb a pharch yn y gweithle yn egwyddorion sylfaenol i'n gwaith. Mae pwyllgorau cydraddoldeb y TUC wedi parhau i ddilyn eu hagendâu gydol y flwyddyn a daethom â'r gwaith hwn at ei gilydd trwy'r pwyllgorau cydraddoldeb ar y cyd. Cynorthwyodd yr ymgyrch 'Cau'r Bwlch Cyflog' i gynyddu'r momentwm tuag at gytundebau cyflog sy'n digwydd o'r diwedd mewn llywodraeth leol, gan symud at ddileu anghydraddoldeb cyflogau ar sail rhyw.

Ar adeg llunio'r adroddiad hwn, mae Cymru yn wynebu etholiadau ar gyfer Llywodraeth nesaf Cynulliad Cymru, a fydd yn derbyn pwerau newydd a chryfach. Pwyswn ar y llywodraeth i ddefnyddio'r pwerau hynny i hyrwyddo buddiannau pobl Cymru yn y gweithle ac yn y gymuned ill dau.

Mae TUC Cymru yn falch o hanes ei gyflawniadau wrth gydweithio â gwahanol lywodraethau yn olynol ers datganoli. Edrychwn ymlaen at barhau i ddylanwadu ar newidiadau er mwyn gwella ansawdd bywyd pob dinesydd.

John Burgham Llywydd
Felicity Williams Ysgrifennydd Cyffredinol

Ymgyrchu dros weithwyr yn y gwaith

Swyddi gweithgynhyrchu

Mae Cymru yn dal i gollu swyddi cynhyrchu gyda chwmnïau fel LG Electronics a Dura Automotive Systems yn cau neu'n ail-leoli swyddi eleni. Collir swyddi yn sgil cystadleuaeth gan economïau â chyflogau isel yn Asia ac mewn mannau eraill, yn ogystal â phrisiau ynni uchel yma.

Mae TUC Cymru o'r farn y gall gweithgynhyrchu gael dyfodol tymor hir yng Nghymru os awn ati yn strategol, hoelio'r sylw ar wella sgiliau a chanolbwyntio ar ochr uwch, gwerth ychwanegol gweithgynhyrchu. Yn benodol, mae angen i ni nodi a chefnogi cwmnïau a diwydiannau strategol a fydd yn rhoi gwerth uchel i economi Cymru, sef y rhai sydd yn rhoi galluoedd, o'u colli, y byddai'n anodd eu hail-greu yn y dyfodol, neu'r rhai a fydd yn cael effaith sylweddol yn lleol trwy gefnogi nifer uchel o swyddi o ansawdd.

Dyna mae ein cystadleuwyr yn ei gwneud. O ganlyniad mae cwmnïau gweithgynhyrchu mewn sawl gwlad yn yr UE, fel Ffrainc a'r Almaen, yn llwyddo i gystadlu mewn economi fyd-eang.

Rydym wedi pledio'r achos hwn gyda gwleidyddion a llunwyr polisi yng Nghynulliad Cymru a Senedd y DU drwy'r flwyddyn, wrth roi tystiolaeth, er enghraifft, gerbron y Pwyllgor Dethol ar Faterion Cymreig. O ganlyniad uniongyrchol, sefydlodd Llywodraeth Cynulliad Cymru Fforwm Marchnata i ddatblygu strategaeth ar gyfer y sector gweithgynhyrchu a hyrwyddo cymorth arbenigol i fusnesau. Caiff pob undeb cysylltiedig dri chynrychiolydd ar y Fforwm.



Sylw'r Undebau - O Dreorci i Bond Street

Cafodd yr ymgyrch i 'Gadw Burberry yn Brydeinig' o dan arweiniad y GMB, y gweithlu a'r cynrychiolwyr etholedig, sylw rhyngwladol. Cydlynodd y GMB brotestiadau yn Llundain, Paris, Strasbwrg, Efrog Newydd, Chicago a Las Vegas.

Rhoddodd sêr fel Tom Jones, Syr Alex Ferguson, Ioan Gruffudd, Charlotte Church, Emma Thompson, Rhys Ifans, Bryn Terfel, Tanni Grey Thompson a Steve Jones eu cefnogaeth i'r ymgyrch.



Llun chwith gan Photolibrary Cymru
Llun trwy garedigrwydd PSMW

Cytundeb partneriaeth newydd

Fis Mawrth, lansiodd Prif Weinidog Cymru y cytundeb partneriaeth cyntaf i Gymru ar gyfer y gwasanaethau cyhoeddus yng Nghymru. Bu TUC Cymru yn galw am gytundeb o'r fath er mwyn sicrhau ymroddiad gweithredol y gweithlu yn agenda diwygio cyhoeddus Llywodraeth y Cynulliad. Mae'r cytundeb yn rhoi cyfle i'r holl randdeiliaid gyfrannu i'r broses o ddiwygio a chyflawni cynnydd trwy gydsyniad. Mae'r cytundeb hwn rhwng Llywodraeth Cynulliad Cymru, Cymdeithas Llywodraeth Leol Cymru, GIG, TUC Cymru a gwasanaethau cyhoeddus ehangach sydd wedi eu datganoli.

Adeiladu undebau cryfach

Mae arwyddion clir bod aelodaeth undebau ar i fyny unwaith eto. Mae dwy ran o dair yr undebau sy'n gysylltiedig â'r TUC wedi tyfu er 1997. Ond mae mwy i'w wneud a mwy y dylem ei wneud. Dyna pam mae TUC yn neilltuo mwy o adnoddau ar gyfer cynorthwyo undebau i gynyddu eu haelodaeth.

Bu fforwm trefnu TUC Cymru yn cyfarfod er mis Mehefin er mwyn dwyn y gwaith hwn yn ei flaen. Canolbwyntiodd ar helpu undebau i ddatblygu sgiliau trefnu a strategaethau, rhoi'r newyddion diweddaraf o'r farchnad lafur yng Nghymru i undebau a helpu i rannu arfer da.

Ym mis Chwefror cynhaliom ein cynhadledd gyntaf ar drefnu. Rydym hefyd wedi cyhoeddi ymchwil i'r pynciau sy'n wynebu gweithwyr busnesau bach ledled Cymru, ac rydym wedi cynnal cyrsiau newydd i swyddogion a chynrychiolwyr.

Dyletswydd unigryw ar y Cynulliad i ymgynghori

O ganlyniad i lobïo gan TUC Cymru, mae'r Ddeddf Llywodraeth Cymru newydd yn gofyn i Weinidogion Cymru ystyried buddiannau gweithwyr Cymru, ac nid busnesau yn unig, wrth lunio polisiau. Mae hwn yn ofyniad unigryw yn y DU a bydd yn helpu i sicrhau bod penderfyniadau'n digwydd ar ôl ystyried buddiannau pawb. Rydym wedi cydweithio â phartneriaid cymdeithasol eraill gydol y flwyddyn er mwyn datblygu cynllun a fydd yn rhoi'r trefniadau gweithio newydd hyn ar waith.

Sylw'r Undebau – Brwydro i amddiffyn swyddi

Mae Cyngor Cymru Undeb Cenedlaethol y Newyddiadurwyr yn flwydd oed. Treuliydd llawer o'r flwyddyn gyntaf yn brwydro i amddiffyn swyddi a chynnal y gwasanaethau presennol. Bu'n un o flaenoriaethau'r Cyngor i lobïo gwleidyddion am bolisi ar gyfer y cyfryngau er mwyn datblygu diwydiant cryfach i'r cyfryngau yma yng Nghymru. Cynhaliodd y Cyngor gyfarfod ar gyflogau i dynnu sylw at faterion cyflogau isel ac amodau gweithio gwael.

O'r chwith i'r dde: Cynhadledd Drafnidiaeth TUC Cymru yn Abertawe; Rhodri Morgan AC Prif Weinidog, Sue Essex AC Gweinidog dros Gyllid, Llywodraeth Leol a Gwasanaethau Cyhoeddus, a Felicity Williams TUC Cymru yn arwyddo'r cytundeb partneriaeth, ynghyd â chynrychiolwyr o'r Gwasanaeth Iechyd, Cymdeithas Llywodraeth Leol Cymru a gwasanaethau cyhoeddus eraill a ddatganolwyd; Gweithwyr Burberry o Dreorci yn gwrthdystio tu allan i Burberry yn Bond Street, Llundain; Delwedd o 'Ddiwrnod Gweithio Eich Horiau Cywir' yn Chwefror.

Cynyddu cyfleoedd dysgu



Mae tîm Gwasanaethau Dysgu TUC Cymru yn cynorthwyo undebau i ddenu aelodau i fentrau dysgu yn y gweithle ledled Cymru.

Sut mae dysgu undebau yn gweithio

Rydym yn cydweithio ag undebau er mwyn nodi'r gweithleoedd hynny, neu gyfres o weithleoedd, lle mae modd datblygu partneriaeth â'r cyflogwr. Mae'r Undebau yn penodi Cynrychiolwyr Dysgu Undeb (CDUwyr) sydd wedyn yn cael hyfforddiant i'w galluogi i gyflawni eu swydd. Ar y cychwyn, bydd hyn yn cynnwys arolwg i ddadansoddi'r anghenion dysgu lle gofynnir i weithwyr nodi'r math o ddysgu sydd o ddiddordeb iddynt. Yna caiff yr undeb wneud cais am nawdd ariannol gan Gronfa Ddysgu Undebau Cymru (WULF) y Cynulliad er mwyn teilwra rhaglen ddysgu a fydd yn gweddu i anghenion y gweithwyr.

Os llwyddir i ennill nawdd ariannol gan WULF, bydd y rhaglenni ar ffurfiau gwahanol, gan gynnwys sefydlu isadeiledd dysgu yn y gweithle fel arfer. Mae'n cynnwys sefydlu canolfan ddysgu yn y gweithle yn aml. Mae nawdd ariannol WULF yn cefnogi darparu cyrsiau, sy'n atgyfnerthu diwylliant dysgu i undebau, gweithwyr a chyflogwyr.

Ffurfiolir hyn trwy sefydlu cytundeb dysgu yn y gweithle, sy'n cyfundrefnu swydd, swyddogaeth a chyfrifoldebau'r CDUwyr ac yn sicrhau bod dysgu yn parhau ar frig agenda'r gweithle.

Top: Wojciech Paszek yn siarad yng Nghynhadledd Cynrychiolwyr Dysgu Undebau.

De uchod: Cynrychiolwyr yng Nghynhadledd CDU.

Ar y dde: Dr Heather Graham, Cyfarwyddwr y Brifysgol Agored yng Nghymru a Felicity Williams, Ysgrifennydd Cyffredinol TUC Cymru yn arwyddo'r Memorandwm Dealltwriaeth rhwng TUC Cymru a'r Brifysgol Agored yn Ebrill. Mae'r MD yn amlinellu sut mae'r ddau fudiad yn bwriadu cyd-weithio yn y dyfodol, a sut y gall aelodau undeb ledled Cymru, sy'n newydd i astudio gyda'r Brifysgol Agored, gael 10% o ostyngiad ar amrediad eang o gyrsgiau.



Prosiectau addysg undebau



Rhoddodd **prosiect TULiP Unsain** yn Sir Benfro a Cheredigion gyfle i 1,500 o weithwyr cyngor ddewis rhwng amrywiaeth o opsiynau hyfforddi, er enghraifft, mathemateg, TG, Cymraeg yn y gweithle, rheoli straen, cyfathrebu effeithiol, cymorth cyntaf a phendantwydd. Ni fyddai'r hyfforddiant hwn wedi digwydd heb gymorth yr undebau. Yn sgil ariannu pellach gan y Cynulliad, caiff arfer gorau'r prosiect ei drosglwyddo i awdurdodau lleol ledled de Cymru.

Mae **prosiect Mynd i'r Afael â Sgiliau Sylfaenol y PCS** yn asesu anghenion sgiliau sylfaenol gweision sifil Cymru ac yn mynd i'r afael â'r rhain trwy gyfeirio unigolion at gyrsiau priodol. Hyfforddwyd CDUwyr er mwyn cynorthwyo aelodau i nodi eu hanghenion sgiliau.

Sefydlodd y PCS ganolfan ddysgu yn y swyddfeydd trethi yn Llanisien. Ers ei sefydlu yn 2003, darparodd y ganolfan ddysgu ar-lein i 500 o staff sy'n gweithio i Gyllid a Thollau Ei Mawrhydi ar draws Cymru. Ymhlith y cyrsiau, cafwyd rhai ar ieithoedd, fffotograffiaeth ddigidol, sgiliau sylfaenol a chyfrifiadureg.

Darparodd **prosiectau Amicus** o dan yr enw Sgiliau Sylfaenol a'r Agenda Newid a Chanolfannau Addysgu wrth Galon gyrsiau ledled Cymru gan amrywio o TG i DIY a chynnal a chadw'r cartref. Daeth llif o geisiadau ar gyfer y prosiectau, ac maent wedi helpu dros bedwar cant o aelodau i ymuno â byd addysg. Mae prosiect ar fin dechrau i ailhyfforddi gweithwyr yn y sector gweithgynhyrchu ar gyfer eu cyflogadwyedd yn y dyfodol wrth wynebu colli gwaith.

Mae **prosiect Sgiliau Sectorau Hanfodol y TGWU** yn cydweithio mewn partneriaeth â chwe chyngor sgiliau sector i ddarparu sgiliau'n uniongyrchol i'r gweithle. Nod y prosiect yw datblygu cyflogwyr 'arweiniol' ar draws pob un o chwe phrif sector yr undeb (bwyd a diod, peirianeg, logisteg, trafniadaeth teithwyr, lletygarwch a diwydiannau sy'n seiliedig ar y tir). Mae'r prosiect yn tynnu sylw at ffyrdd newydd y gall agenda ddysgu undebau ymwneud â chylch gorchwyl ehangach datblygu'r gweithlu y cynghorau sgiliau sector, ac mae wedi llwyddo i ddenu deuddeg cyflogwr hyd yn hyn.

Gardd TUC Cymru

Noddodd TUC Cymru ardd yn y Sioe Arddwriaethol Frenhinol Caerdydd fis Ebrill. Noddom fyfyrwyr dylunio gerddi Coleg Pencoed i ddylunio gardd i TUC Cymru ar y thema dysgu ac amrywiaeth.

Lluniau gan Phil Rees



Hyrwyddo cydraddoldeb



Yr Ymgyrch 'Cau'r Bwlch Cyflog'

Bu'n flwyddyn dyngedfennol am fynd i'r afael â'r bwlch cyflogau yn y sector cyhoeddus. O'r diwedd, mae awdurdodau lleol yn mynd i'r afael â'r anghydraddoldeb o ran cyflogau sy'n bodoli ers tro. Canolbwyntiodd yr ymgyrch 'Cau'r Bwlch Cyflog' eleni ar gynyddu'r pwysau yn y sector cyhoeddus am gydraddoldeb cyflogau. Mewn cydweithrediad â'n partneriaid ymgyrchu daethom â chynrychiolwyr etholedig, Prif Weithredwyr, rheolwyr AD a chynrychiolwyr undebau o bob cwr o'r sector cyhoeddus yng Nghymru at ei gilydd i roi cyngor arbenigol, cefnogaeth a gwybodaeth drwy'r flwyddyn. Partneriaeth yw'r ymgyrch 'Cau'r Bwlch Cyflog' rhwng Llywodraeth Cynulliad Cymru, y Comisiwn Cyfle Cyfartal a TUC Cymru.

CD-Rom Dysgu o Bell ar Gyflog Cyfartal

Datblygwyd CD-Rom eleni fel rhan o'r ymgyrch 'Cau'r Bwlch Cyflog'. Mae wedi ei gynllunio i helpu cynrychiolwyr yn y gweithle i ddeall sut mae'r bwlch cyflog yn digwydd a'r hyn a ddywed y gyfraith. Mae hefyd yn esbonio'r hyn yw adolygiadau cyflog a pham y mae'n angenrheidiol.

Cydraddoldeb rhyw

Parhaodd Pwyllgor Menywod TUC Cymru i ganolbwyntio ar faterion sy'n trafod gofalwyr, mynd i'r afael â cham-drin yn y cartref a rhwystro masnachu menywod a phlant. Bu'r ymgyrchu yn erbyn cam-drin yn y cartref yn hynod lwyddiannus ac yn gyfrifol am sicrhau grant o £24,000 gan y Cynulliad i sefydlu llinell gymorth ddynodedig i fenywod.

Herio hiliaeth

Yng Nghynhadledd Herio Hiliaeth flynyddol TUC Cymru, a gynhaliwyd yn Wrecsam, llofnododd TUC Cymru ddatganiad ar y cyd â Chyngor Mwslemaid Cymru. Mae'r cytundeb yn golygu gweithio ar y cyd rhwng y ddau sefydliad er mwyn mynd i'r afael ag Islamoffobia a hyrwyddo aelodaeth undebau llafur ymhlith y gymuned Fwslemaidd fel o ffordd orau o ddelio â gwahaniaethu yn y gweithle.

Ar adeg llunio'r adroddiad hwn, mae TUC Cymru yn cydweithio â Friends of Searchlight Cymru a grwpiau gwrth-ffasgaid eraill yn ystod ymgyrch etholiadau'r Cynulliad yn erbyn pleidiau adain dde eithafol. Mae TUC Cymru yn ysgrifennu at ymgeiswyr cyn etholiadau'r Cynulliad a gofyn iddynt lofnodi 'Compact Etholiadol', a fydd yn eu rhwymo i sicrhau na chaiff unrhyw eiriau na gweithredoedd eu defnyddio yn ystod yr ymgyrch a fydd yn annog camwahaniaethu, yn ysgogi casineb hiliol neu grefyddol na'n arwain at ragfarn ar sail hil, cenedl neu grefydd.

Cydraddoldeb i bobl lesbaidd a hoyw

Ymgyrchodd Pwyllgor Pobl Lesbaidd, Hoyw, Deurywiol a Thrawsrywiol TUC Cymru dros beidio ag eithrio sefydliadau crefyddol o'r ddeddfwriaeth newydd sy'n gwahardd gwahaniaethu wrth ddarparu nwyddau a gwasanaethau i bobl lesbaidd, hoyw a deurywiol. Cyfrannodd y gwaith at ymgyrch lwyddiannus yn y DU i atal y Llywodraeth rhag caniatáu eithriadau.

Prosiect Cydraddoldeb yn y Gwaith

Mae prosiect Cydraddoldeb yn y Gwaith TUC Cymru yn cefnogi undebau i hyrwyddo cydraddoldeb ac yn herio gwahaniaethu mewn gweithleoedd ledled Cymru.

Mae'n brosiect dwy flynedd a arweinir gan TUC Cymru mewn partneriaeth â'r tri chomisiwn cydraddoldeb (DRC, CRE a EOC) yn ogystal â Stonewall Cymru ac Age Concern. Caiff nawdd ariannol gan Gronfa Moderneiddio Undebau'r Adran Masnach a Diwydiant a dyma un o brosiectau model rownd un y gronfa.



Codi ymwybyddiaeth am hawliau cyfartal

Mae'r prosiect yn hyrwyddo a chodi ymwybyddiaeth ymhlith undebau llafur, gweithwyr a chyflogwyr am hawliau newydd ynghylch cydraddoldeb i weithwyr a rhai sy'n bodoli eisoes. Lanswyd gwefan eleni, www.equalatwork.org, sy'n borth at wybodaeth am faterion sy'n gysylltiedig â chydraddoldeb yn y gweithle. Mae ymgyrchoedd poster, er enghraifft am y rheoliadau newydd am wahaniaethu ar sail oedran, wedi gwella ymwybyddiaeth pobl o'u hawliau yn y gwaith.

Adeiladu gallu

Mae'r prosiect hwn yn cynyddu gallu undebau llafur i fargeinio â chyflogwyr ar faterion cydraddoldeb. Datblygwyd cwrs newydd ar gyfer cynrychiolwyr a chaiff ei roi ar brawf yn ystod Haf 2007. Mae'r cwrs hwn yn mynd i roi gwybodaeth i gynrychiolwyr am y gyfraith ar wahaniaethu. Bydd yn helpu cynrychiolwyr i wneud gwahaniaeth trwy ddatblygu sgiliau bargeinio ar faterion cydraddoldeb.

Mae mwy na 25 o gynrychiolwyr yn y gweithle wedi cwblhau cwrs a ddatblygwyd â Phrifysgol Caerdydd ar gynrychioli aelodau mewn Tribiwnlysoedd Cyflogaeth mewn achosion o wahaniaethu. Cynigir y cwrs yng Ngogledd Cymru yn awr gyda Phrifysgol Bangor.

Y flwyddyn nesaf

Bydd y prosiect hwn yn cynnal ymchwil i gydraddoldeb yn y gweithle yng Nghymru. Hon yw'r ymchwil gyntaf o'i math a chaiff prosiectau peilot arloesol eu cefnogi, fel gweithio traws-strandiau. Cynhelir sawl seminar ledled Cymru y flwyddyn nesaf i ddod â chyflogwyr a chynrychiolwyr undebau at ei gilydd er mwyn cytuno ar gynlluniau gweithredu ar y cyd.



Barry Clarke, o gwmi cyfreithwyr Russell Jones & Walker, a Vaughan Gething, o gwmi cyfreithwyr Thompsons, yn siarad yn seminar Gwerthuso Swyddi 'Tâl Cyfartal, Gwerth Cyfartal' yn Chwefror.

Llun gan Natasha Hirst

Cynorthwyo cynrychiolwyr undebau i gyflawni i aelodau

Mae rhaglen graidd o gyrsiau ar gyfer cynrychiolwyr undebau yn dal i redeg ar draws ein pedair canolfan astudio undebau llafur, gan gynnig cyrsiau ar gyfer cynrychiolwyr undebau, cynrychiolwyr iechyd a diogelwch a chynrychiolwyr dysgu undebol.

Mewn partneriaeth â'r Cynulliad

Ym mis Rhagfyr 2006 cytunodd Llywodraeth Cynulliad Cymru ar y contract ar gyfer gweithgarwch dysgu am y tair blynedd nesaf. Bydd hyn yn caniatáu i ni:

- **barhau i gynorthwyo gyda ffioedd y cyrsiau i'r holl gynrychiolwyr undeb**
- **datblygu deunyddiau cyrsiau yn ôl yr angen**
- **mynd i'r afael ag anghenion sgiliau sylfaenol cynrychiolwyr undebau sy'n mynychu ein rhaglen o gyrsiau**
- **nodi a rhoi tystiolaeth o effaith addysg undebau llafur yn y gweithle**
- **datblygu llwybrau i undebwyr llafur fynd i addysg uwch**
- **datblygu rhwydweithiau rhagoriaeth wedi'u seilio o gwmpas canolfannau astudio presennol yr undebau llafur, a hynny er mwyn sefydlu'r prosiect cyntaf o'i fath yn y DU.**

Cysylltu dysgu â threfnu undebol

Eleni, rhoddwyd deunyddiau newydd ar brawf ar gyfer cynrychiolwyr dysgu undebau, ar ddysgu, trefnu a datblygu'r gweithlu. Roedd cysylltu dysgu â threfnu undebol yn un o'r prif themâu yn ystod y flwyddyn a aeth heibio. Trafodwyd y pwnc yng nghynhadledd flynyddol y cynrychiolwyr dysgu undebau, ein cynhadledd drefnu gyntaf ac yng Nghynhadledd y Menywod. Yn 2007-2008 byddwn yn parhau i ddatblygu'r thema hon trwy ddod â chynrychiolwyr undeb a chynrychiolwyr dysgu undeb at ei gilydd ar gyrsiau i helpu i drefnu'r gweithle.



Llun gan Natasha Hirst

Cyrsiau newydd

Mae dau gwrs newydd, a ddatblygwyd gan TUC Cymru, ar fin cael eu cyflwyno ledled y DU.

Menywod ac Iechyd a Diogelwch

Bydd y cwrs hwn yn helpu cynrychiolwyr iechyd a diogelwch undebau i ddeall symptomau afiechyd a achoswyd gan waith ac ymchwilio a nodi deddfwriaeth, polisiau a gwybodaeth priodol. Bydd hefyd o gymorth i gynrychiolwyr sylwi ar broblemau a chyfleoedd i weithredu gan yr undebau llafur i ddelio ag afiechyd galwedigaethol.

Mentora Arweinwyr

Mae'r cwrs hwn wedi ei anelu at ysgrifenyddion rhanbarthol undebau ac mae'n cynnwys dadansoddiad o'r sgiliau, yr agweddau ac ymddygiad sy'n hyrwyddo mentora effeithiol. Caiff y sgiliau penodol sefydlu perthynas, gwranddo, rhoi a derbyn adborth, defnyddio cwestiynau yn effeithiol, cynllunio gweithredu a gosod targedau eu harchwilio a'u hymarfer.



Llun gan Phil Rees

Aelodau'r Cyngor Cyffredinol a phresenoldeb

PRESENOLDEB 2006-2007

Mae Cyngor Cyffredinol TUC Cymru wedi penderfynu cyhoeddi manylion presenoldeb cyfarfodydd y Cyngor Cyffredinol a'r Pwyllgor Gweithredol yn yr Adroddiad Blynyddol. Wrth fynd i'r wasg roedd y Cyngor Cyffredinol a'r Pwyllgor Gweithredol wedi cynnal pedwar cyfarfod yn ystod y flwyddyn.

ENW	UNDEB	PRESENOLDEB		ENW	UNDEB	PRESENOLDEB	
		CYNGOR CYFFREDINOL	PWYLLGOR GWAITH			CYNGOR CYFFREDINOL	PWYLLGOR GWAITH
Brian Apsley	TC Wreccsam	2		Tom Jones	TC Gwynedd	1	
Pam Baldwin	UNSAIN	3	0	Jacqui Joseph	AMICUS (1)	0	
Sheila Bearcroft	GMB	1		Mariam Kamish	TC Merthyr	4	
Nick Blundell	UCATT	3		Bill King	UNSAIN	2	
John Burgham	TGWU	4	4	David Lewis	AMICUS	3	2
Alison Burrowes	PCS	3		Liz Lewis	TGWU	2	
Allan Card	AMICUS	3		Sandra Miller	UNSAIN	1	
Ramon Corria	TC Caerdydd	4	3	Stan Moran	ASLEF	0	
Brian Curtis	RMT	3	2	Paul O'Shea	UNSAIN	3	2
Geraint Davies	NASUWT	3	4	Susan Owen	USDAW	0	
Phillip Dixon	ATL	2		John Phillips	GMB	2	
Pamela Drake	GMB	1	2	Andy Richards	TGWU	3	2
Rob Edwards	COMMUNITY	2		Alwyn Rowlands	AMICUS	1	2
David Evans	NUT	3		Kim Sandford	SOR	3	
Jeff Evans	PCS	3	1	Jayne Setchfield	NASUWT	1	
Siân Gale	BECTU	2	2	Catherine Speight	AMICUS	2	3
Allan Garley	GMB	3	3	Jan Szabo	UNSAIN	0	
Vaughan Gething	GMB	2	1	Mark Thomas	TGWU	3	
Ken Goodger	TC Casnewydd	4		Wayne Thomas	NUM	2	
Ken Hanbury	CWU	1		Amanda Wakefield	BFAWU	2	
Heledd Hayes	NUT	3		Win Wearmouth	UNSAIN	2	
Margaret Hazell	AMICUS	0		Siân Wiblin	PCS	3	
Gareth Howells	PROSPECT	3		Ken Williams	TC Port Talbot	3	
Nick Ireland	USDAW	1		Felicity Williams	Ex officio TUC Cymru	4	4
Simon Jenkins	FBU	0					
Andrea Jones	AMICUS	3					
Ruth Jones	CSP	3	4				

(1) Yn anffodus bu farw Jacqui Joseph yn ystod y flwyddyn.

SYLWER: Nid yw'n bosibl rhestru'r holl resymau dros absenoldeb ond dylid nodi mai'r prif resymau a roddwyd oedd dyletswyddau undeb a salwch.

Trades Union Councils

Brynmawr 4 Church Field Brynmawr NP23 4QA	Llanelli c/o UNISON - Coleg Sir Gar 57 Tir Gof Llanelli SA14 8TP	Swansea County / Sir Abertawe 58 Station Road Florestfach Swansea
Cardiff County / Sir Caerdydd 57 Three Arches Avenue Cardiff CF14 0NW	Merthyr Tydfil County / Sir Merthyr Tudful 7 Brickfield Crescent Merthyr Tydfil CF47 0DW	Torfaen County / Sir Torfaen 35 Waun Road Cwmbran Torfaen NP44 7JN
Conwy County / Sir Conwy 164 Dyrneth Road Rhos on Sea Colwyn Bay LL28 4UP	Neath / Castell-nedd 8 Brag-Du Pencoed Bridgend CF35 6JN	Vale of Clwyd / Bro Clwyd 21 Burns Drive Rhyl Denbighshire LL18 3BN
Cynon Valley / Cwm Cynon 8 Hamilton Street Mountain Ash CF45 3RM	Newport County / Sir Casnewydd 3 Heather Road Newport NP9 7JZ	Vale of Glamorgan / Bro Morgannwg 24 Denbigh Way Barry Vale of Glamorgan CF62 9AT
Deeside / Giannau Dyfrdwy 61 Kingston Drive Connahs Quay Deeside CH5 4TN	Pontypridd 3 Quarry Road Maesycloed Pontypridd CF37 1JD	Wrexham County / Sir Wrecsam 6 Leahurst Way Bradle Wrexham LL11 4BZ
Ebbw Vale / Glyn Ebwy 2 Hafod Lane Victoria Park Ebbw Vale NP23 8AS	Port Talbot 40 Oakwood Street Port Talbot SA13 1BE	UCAC (3,948) Pen Roc Rhodfa'r Mor Aberystwyth SY23 2AZ 01970 639950 www.athrawon.com ucac@athrawon.com
Gwynedd 57 Bro Syr Ifor Tregarth Bangor LL57 4DS	Rhondda 62 Eleanor Street Tonypandy Rhondda CF40 1DR	TSSA (780) Walkden House 10 Melton Street London NW1 2EJ 020 7387 2101 www.tssa.org.uk enquiries@tssa.org.uk

RMT (4,180) Transport House Victoria Street Bristol BS1 6AY 0117 925 5018 www.rmt.org.uk	SCP (329) 1 Fellmongers Path Tower Bridge Road London SE1 3LY 0845 4503720 www.feetforlife.org	UCATT (5,000) 199 Newport Road Cardiff CF2 1AJ 029 2049 8664 www.ucatt.org.uk
SOR (1,033) Agriculture House Winch Lane Haverfordwest SA61 1RW 01437 767392 www.sor.org kims@sor.org	UNISON (90,148) UNISON House Custom House Street Cardiff CF10 1AP 029 2072 9004 www.unison-cymruwales.org.uk cymruwales@unison.co.uk	USDAW (20,955) Unit 10, Oak Tree Court Mulberry Drive, Cardiff Gate Business Park Pontprennau CF23 8RS 029 2073 1131 www.usdaw.org.uk cardiff@usdaw.org.uk
T&GWU (51,000) Transport House 1 Cathedral Road Cardiff CF11 9SD 029 2039 4521 www.tgwu.org.uk wales@tgwu.org.uk	URTU (1,052) 76 High Lane Chorlton Manchester M21 9EF www.urtu.com info@urtu.com 0800 526639	WGGB (105) 15 Britannia Street London WC1X 9JN 020 7833 0777 www.writersguild.org.uk